



0084 Армения, Ереван, ул. З. Андраника 1
Тел. 060 38 00 01

0084 Armenia, Z. Andranik st.1, Yerevan
Tel: 060 38 00 01

ՀՀ ՏԱՐԱԾՔԱՅԻՆ ԿԱՌԱՎԱՐՄԱՆ
ԵՎ ԵՆԹԱԿԱՌՈՒՑՎԱԾՔՆԵՐԻ ՆԱԽԱՐԱՐՈՒԹՅՈՒՆ
«ԲԱՐՁՐԱՎՈՒՆ ԷԼԵԿՏՐԱՑԱՆՑԵՐ» ՓԲԸ
ԳԼԽԱՎՈՐ ՏՆՕՐԵՆ

0084, Հայաստան, Երևան, Զ. Անդրանիկի 1,
Հեռ. 060 38 00 01

Էլ. հասցե: hven@hven.am, www.hven.am

No. _____

«01» փետրվարի 2024թ.

ՈՐՈՇՈՒՄ

«ԷԼ ԸՆԴ ԷՎ» ՍԱՀՄԱՆԱՓՈՎ ԴԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆԸ ԳՆՈՒՄՆԵՐԻ
ԳՈՐԾԸՆԹԱՑԻՆ ՄԱՍՆԱԿՑԵԼՈՒ ԻՐԱՎՈՒՆՔ ՉՈՒՆԵՑՈՂ ՄԱՍՆԱԿԻՑՆԵՐԻ ՑՈՒՑԱԿՈՒՄ
ՆԵՐԱՌԵԼՈՒ ՄԱՍԻՆ

«Բարձրավոլտ էլեկտրացանցեր» փակ բաժնետիրական ընկերության (այսուհետ՝
Ընկերություն) կարիքների համար 2023 թվականի դեկտեմբերի 29-ին գրասենյակային գույքի
ծեղքերման նպատակով հայտարարվել է «ԲԷՑ-ԷԱՃԱՊՁԲ-23/40» ծածկագրով գնման
ընթացակարգ (այսուհետ՝ Ընթացակարգ):

«ԲԷՑ-ԷԱՃԱՊՁԲ-23/40» ծածկագրով էլեկտրոնային աճուրդ գնման ընթացակարգի
հայտերը ներկայացնելու վերջնաժամկետ է սահմանվել 09.01.2024թ. ժամը 10:00-ը:
Էլեկտրոնային հակադարձ աճուրդն ավարտվել, ամփոփվել է 10.01.2024թ.

Էլեկտրոնային հակադարձ աճուրդի ավարտին 1-ին և 6-րդ չափաբաժինների մասով
նվազագույն գնային առաջարկ ներկայացրած մասնակից «ԷԼ ԸՆԴ ԷՎ» սահմանափակ
պատասխանատվությամբ ընկերության (այսուհետ՝ Մասնակից) հայտով ներկայացված
փաստաթղթերի գնահատման արդյունքում ի հայտ են եկել մի շարք
անհամապատասխանություններ, մասնավորապես՝ Մասնակցի կողմից ներկայացվել է այլ
կազմակերպության ծածկագրով էլեկտրոնային աճուրդի հրավերի Հավելված 1 (Դիմում-
հայտարարություն), ներկայացված Հավելված N 1-ը (Էլեկտրոնային աճուրդին մասնակցելու
դիմում-հայտարարություն) էլեկտրոնային թվային ստորագրությամբ հաստատված է եղել
Արտաշես Մկրտչյանի կողմից, սակայն առկա չէր լիազորագիր, հայտում բացակայել է
Հավելված N 1.3-ը (իրական շահառուների վերաբերյալ հայտարարագրի ձև), ինչպես նաև
1-ին և 6-րդ չափաբաժիններով սահմանված ապրանքների տեխնիկական բնութագրերը
լրացված չեն եղել:

Ղեկավարելով ՀՀ կառավարության 2017 թվականի մայիսի 4-ի թիվ 526-Ն որոշմամբ
հաստատված «Գնումների գործընթացի կազմակերպման» կարգի 41-րդ կետով՝ գնահատող
հանձնաժողովի նիստը կասեցվել է մեկ աշխատանքային օրով, Մասնակցին ուղարկվել է
ծանուցում՝ առաջարկելով մինչև կասեցման ժամկետի ավարտը համակարգի միջոցով շտկել
արձանագրված անհամապատասխանությունները: Սահմանված ժամկետում Մասնակցի
կողմից չեն շտկվել արձանագրված անհամապատասխանությունները, ինչի հետևանքով
գնահատող հանձնաժողովը՝ ղեկավարվելով ՀՀ կառավարության 2017 թվականի մայիսի 4-ի

որոշմամբ հաստատված «Գնումների գործընթացի կազմակերպման» կարգի 42-րդ կետով, Մասնակցի հայտը 1-ին և 6-րդ չափաբաժինների մասով գնահատել է անբավարար և մերժել:

«Բարձրավոլտ էլեկտրացանցեր» փակ բաժնետիրական ընկերության կողմից կազմակերպված «ԲԷՑ-ԷԱՃԱՊՁԲ-23/40» ծածկագրով գնման ընթացակարգի 1-ին և 6-րդ չափաբաժինները հայտարարվել են չկայացած՝ համաձայն «Գնումների մասին» ՀՀ օրենքի 37-րդ հոդվածի 1-ին մասի 1-ին կետի, որի մասին հայտարարությունը հրապարակվել է գնումների պաշտոնական տեղեկագրում:

Ստորև ներկայացնում եմ Մասնակցին գնումների գործընթացին մասնակցելու պայմաններին չբավարարելու փաստը հավաստող տեղեկատվությունը.

Ելնելով վերոգրյալից և հիմք ընդունելով «Գնումների մասին» ՀՀ օրենքի 6-րդ հոդվածի 2-րդ մասը, որոշում եմ.

Առաջարկել ՀՀ ֆինանսների նախարարությանը Մասնակցին ներառել գնումների գործընթացին մասնակցելու իրավունք չունեցող մասնակիցների ցուցակում երկու տարի ժամկետով:

Մասնակցի						
Անվանումը	ՀՎՀՀ /ֆիզ. անձի դեպքում հանրային ծառայության համարանիշը/	Գործու ներության հասցեն	գնումների գործընթացին մասնակցելու պայմաններին չբավարարելու իրավական հիմքը			ցուցակում ներառելու մասին պատվիրատուի ղեկավարի կայացրած որոշման ամսաթիվը և գնման ընթացակարգի ծածկագիրը
			խախտել է գնման գործընթացի շրջանակում ստանձնած պարտավորությունը, որը հանգեցրել է գնման գործընթացին տվյալ մասնակցի հետագա մասնակցության դադարեցմանը	խախտել է պայմանագրով նախատեսված պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը	որպես ընտրված մասնակից հրաժարվել կամ զրկվել է պայմանագիր կնքելու իրավունքից	
«ԷԼ ԸՆԴ ԷՎ» ՍՊԸ	00522502	ՀՀ ք. Երևան, Երկաթուղայիններ 4փ 2/6	V			Որոշման ամսաթիվը՝ 01.02.2024թ., Ընթացակարգի ծածկագիրը՝ «ԲԷՑ-ԷԱՃԱՊՁԲ-23/40»

Հարգանքով՝

ԳԼԽԱՎՈՐ ՏՆՕՐԵՆԻ

ՊԱՐՏԱԿԱՆՈՒԹՅՈՒՆՆԵՐԸ ԿԱՏԱՐՈՂ



ԴԱՎԻԹ ՄԻՐԶՈՅԱՆ